



AMERICA WELCOMES SOLOTHURN


In Amerika, dört isch jetz öppis los!
 Üse Presidänt macht Amerika gross
 Är griift düre – ruck zuck! Gäg d Mexikaner stoht e Muur!
 Bi ihm stoht alles! – – – – Nid nume si Frisur!

Und bis übermorn wird jede Moslem dressiert.
 Bis nöchsch Wuche wird d Chrankekasse flambiert.
 Jo üse Presidänt, das isch mol eine, wo das macht wo n er seit.
 So Ändi Februar het är d Wält i ihri Einzelteil zerleitet.

Üse DiDiDi didl didl didi
 Üse GaGaGa gaga dubelida
 Üse Donald üse Dodl Didl Dödl Dirigänt
 Also nei – dä wett kei Psychiater gärn als Paziänt

Nur eue Fluri do, het e riesigi Freud.
 «Make Solothurn great!», het är immer scho gseit,
 Wiit und breit keini Schwarze, nume Schwarzi! Mexikaner het s e keil!
 Drum: Welcome Solothurn! Neue Bundesstaat of USA.

Melodie: Mungo Jerry, In The Summertime



THRONJUBILÄUM

Elisabeth, congratulation,
 65 Jahr ufem Thron,
 Dis Volk git e Standing Ovation
 Dis Outfit trifft immer dr Ton.

Elisabeth, drum tue n i Dir schriibe,
 Genau so stell i mir das vor.
 Mir löh üs vom Amt nid vertriibe!
 65 Jahr, Du machsch s vor!
 So muess i halt Stadtamme bliibe
 Ömu no 41 Jahr.
 Wievil?
 No mindeschtens 41 Jahr!

Melodie: Edward Elgar, Pomp and Circumstance Marches



STILLE NACHT

Stille Nacht, heilige Nacht!
 Niemer suufft, niemer lacht.
 Eine nur, dä isch zünftig in Fahrt:
 Holder Knabe mit flockigem Bart!
 Einsam stoht är im Wald und het Wacht
 Dass ömu keine es Cherzli entfacht
 Und dass vor allem kei Hund anemacht.
 D Füchslis und d Rehli die stöh i dr Acht-
 igsstellig und piipse ganz liislig «Guet Nacht!!»
 Wiehnacht ir Einsiedelei! Wiehnacht ir Einsiedelei!

Melodie: Franz Xaver Gruber, Stille Nacht



WAHLKAMPF

Si lächle, schmunzle, stiere, grinse
Ab de Lampemäsch i d Binse:
Stampfli, Strebel, Schmid, Schauwegger
Unterlerchner, Aemisegger.
Rüefli, Wyss, Antonietti
Hofft dass me se wähle wetti.
Conti, Kaufmann, Käser, Küng:
Tja, a dä Mascht brünzle d Hüng.

Maushart, Michel, Maibach, Äng – hoffe, s läng.
Dr Tasdemir dä cha s de, Dir!
Sogar es Ryt-Ross kandidiert! – Ah nei, dasch d Nicole Hirt.

Ei Frau, dere vertraui meh
Als dr ganze SVP
Für Sicherheit – ohni wenn und aber –
Hanget si am Kandelaber.
Die gseht alles, die blickt dure!
Die chönnt im Rot no dopplet schnure!
Die het Charisma, isch nid fuu.
Mir wähle die vor BfU!

Melodie: Georg Kreisler, Telefonbuchpolka



ES LOCH IM CHLEID

Schnips! Schnips! - Schnid mer no nes Loch! - - - Löcher si doch schön! - - Si erinnere mi a Glöön wie ne Amstutz und Kollege.
Schnips! Schnips! - Schnid nomol es Loch! - - Klar, mi Hut bleibt de nid troch. - - Drfür gseh n i Spiesser wie ne Bloch-er sich ufreg.
It's wonderful, it's wonderful, it's wonderful – es Loch im Chleid!!
It's wonderful, it's wonderful, it's just für jedes Loch es Loch!
Schnips, schnips – I gseh us wie ne Chäs - - - Löcher und chli räss – [Und wenn's Euch nid gfallt:] – Läcked mer am Gsäss!

Melodie: Paolo Conte, Via Con Me

IM COOP

Wieder goht e Poststell ii?
D Poscht isch, d Poscht isch zue
Und s wird nid die letschti si
D Poscht isch, d Poscht isch zue
Wo si jetz die Schalter hi
Is Coop, is Coop
Drfür git's d A-Poscht-Marke jetz Prix garantie,
Im Coop

Expressbrief im Querformat
Im Coop, im Coop
Findsch zwüsche Würscht und Chopfsalat
Im Coop, im Coop
Uf Päckli muesch bim Chäs go warte
Im Coop, im Coop
Statt d AHV gits Pünkt uf dire Supercharte
Im Coop.

Und jetz züggle, s isch gewaltig,
Is Coop, is Coop
Au d Bahnhöf, d Bank und d Bauverwaltung
Is Coop, is Coop
Und wenn au d Schuel und s Migros chunnt,
Is Coop, is Coop
De zügli samt Familie mit Chind und Hund
I Aldi!

Melodie: Johnny Wakelin, In Zaire



THE WALL

Die vo dört, sölle dört bliibe !
Dört isch nämlech alls chli hohl !
Bisch z lang dört, so hesch e Schiibe.
Absturz vo r Niveau Control !

Hey! - Donald! – There we build the wall !!

Alls in allem isch s dene vo dört dört jo wohl.
Jawohl! E so ne Muur dört drum ume - um Gränche - wär toll !!

Melodie: Pink Floyd, Another Brick In The Wall



INLÄNDERVORRANG

Die Schi-WM in St. Moritz isch doch e wohre Säge.
Dank Holdener, Feuz, Aerni gits e Goldmedaillerräge.
Dr Fluri Kurt dä freut's und d SVP isch bös fruschtriert:
Will dasch dr klar Bewiis: Inländervorrang funktioniert!

Melodie: Mani Matter, Si hei dr Wilhalm Täll ufgfuehrt

NOBELPREIS

Dr Dylan Bob dä het Erfolg – jetz ou als Literat.
Jo sini Liedtegscht, hei schints Wärtliteraturformat.
Will är bim Schriibe meischens bsoffe oder high isch gsi,
'Berchunnt är nöchsch Johr au no dr Nobelpriis für Chemie.

Melodie: Mani Matter, Si hei dr Wilhalm Täll ufgfuehrt